

مطبعه و محل اداره :

جفال اوغلنده امنیت
صندوغی جوارنده
شنگول یقوشنده
۲۷ نومرو

مُشَاقَقَاتُ صِرَاطِ

۱۳۲۶

سلکمه موافق آثار
جدیده مع المنونه
قبول اولنور

درج ابدله بن آثار اعادة اولنور

دیر ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و مشوره اسلامیه در بحث ایدر و هفته ده به نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخہ سی ۵۰ باره در

قیرلہ دن مقوا بورو ایلہ کوندر یلیرسه سنوی

۲۰ غروش فضله آلنور

سنه لکی	القی آیلانی	غروش
مالک عثمانیه ایچون	۶۵	۳۵
روسیه	۶۵	۳۵
سائر مالک اجنبیه	۱۷	۹

یدنجی جلد

۱۰ ذی القعدة ۱۳۲۹ پنجشنبه ۲۰ تشرین اول ۱۳۲۷

عدد : ۱۶۵

اوله رق هریشی اونوتدتلر... قلمرده تزلزل ایدن فضیلت، صاحبانندن بوسبتون آیرلق ایچون زمینی پک مساعده کار بولدی و اوایلای ذوق و ظفر آراسنده مصرک مجازاتی باشلامشدی، خردپسندان به راهمان، حیات حکومتی تدویر ایده یوردی... بتون مؤسسات قدیمه احتراصات اوغرنده خراب ایدلدی... «سوزوستریس» ک، نفور معاقبلری، آراتق ثروته غنا کتیر دکارندن، اکلنمک ایچون هم خلفه ظلم ایدیورلر، هم ده رخاوتله، سفاقتله، ضرورتله، ثروتله، آلباق و ترسیدسز برحاله کلنلرک دشمنلری کولدورن عصیانلرندن قورقورلردی... تاریخ بوکامسائل دهاسیکلرجه لوحه انقراض صایوب دوکر...

حرص و طمع ساقه سیله موفق اولمش ملتیک عاقبتی هب بویله در... (آته) نك ده ضمنی عینی در، «فیلیپ» ماکدونیانک سوزوستریسی در... اکر بو حکم دار وظیفه لر بی طانیسه ییدی، اونلری کندی واردات و حشمتیه ترجیح ایتسه ییدی هم کندیسی هم ده مملکت مستغرق رفاه اولوردی... اقتدارینی: اغفال ایتمکده دکل، اخلاقی تصحیحده کوسترسه ییدی پک جوق شایان فخر و تجلیل بر مزیت تاریخی اکتساب ایلردی، افراد بیننه نفاق سر به چکنه اتحاد ایتدیرسه ییدی: بتون عناصر ماتی دشمنلره قارشى یکو وجود سبرلن بر کتله، مودت و خلوص شکندنه تجلی ایتدیردی... لکن، انسان فضیلتی صرف کندی منفعتنه آلت اولمق ایچون سورسه، طبیی غائب ایدر... بو آرالق مجاور بولنالارده کوزلرینی آجار، تسلطه حاضر لانیلر...

ایشته بتون بو اوچوروملاردن تخلص نفس اتمک ایستهین بر دولت، افرادی شهبه دن آزاده براقه جق بر خط حرکت تعقیب ایتلی، و خلق ده کندیسنه اک علوی رهبر نجات اولان قوانین عقلیه یی طانیمالی در... حتی قلمره دقت ایتسه مک، فناغه قارشى مفکره مزدن اول چاریدینغی دوبارز، احتراصات حسیات تولید ایتدیکی حاده ایلک اوکجه، او بیله فنالق قارشیسنده متأثر اولور...
اوچنجی مصاحبه مزی: بر حکومتده تحکیم فضیلت ایدن اصول سیاست تشکیل ایده جکدر... بو کونلک بو قدر یتشیر: انسانی حقیقتده بورمالی...

عثمان فخری

عثمانی اتحاد و ترقی جمعیتی ۱۳۲۷ قونفره سنه کاتب عمومی طرفندن قرائت اولنان مرکز عمومی راپوری خلاصه سیدر... مابعد...

محافظه کارلوق و ترقی پرورلک مسلک لرندن بری صورت مطلقه ده دوغرو اوله بیلمک، ایچون اسکیک ویکیک مفهوملرندن برینک علی الاطلاق ایی اولمسی اقتضا ایدر... حالبوکه عادتک مقبول و مردودی اولدینی کبی بدعتکده مقبول و مردودی واردر... ا طوغرو یول عادت مقبوله ایله بدعت مقبوله یی قبول اتمک عادت مردوده ایله بدعت مردوده نك هر ایکسینی ده رد ایلیمکده در...

مع مافیه ترقی ایکی صورتله اولور... برنجیسی تکامل ایکنجیسی انقلاب طریقیدر... اتحاد و ترقی حیات سیاسیه ده انقلابچیدر... حیات اجتماعیه ده تعاملمچیدر... اکر محافظه کارلقدن مقصد ترقی اجتماعیزک تکامل طریقیه و قوعنی طاب ایتمکدن عبارت ایسه آراده اختلاف یوق دیمکدر... اکر مقصد یوقاروده صایدیمز اساسات تاریخی نك محافظه سی ایسه ینه آرده اختلاف یوق دیمکدر... یوق اکر محافظه

کارلقدن مقصد اسکیدن قالان فنا عادتلی محافظه ایسه بو فکرک عدم قبولی ضروریدر .

احتیاجات مملکت کوره جمعیتک آله جنی مسلك قطعینک تعیینی هیئت محترمه کوزه عائد بر صلاحیت اولدیغندن مواد عشره معلومه ایله سیاسی پروگرامک انشای مذاکره و تخریرنده بو جهتک تدقیق بو یوریه جغنه امین بولوندیغیزی عرض ایدر وازن مادهلک پروگرام حقندهکی افکار و مطالباتمیزی ماده ماده مذاکره اولندیغینی صروده بسط و بیاز ایله ملک صلاحیتی محافظه ایلرز . بو اساساتک تعیینی زمان کلشدر . چونکه جمعیت مشروطیتی اعلان ایتدیکی زمان دوشوندیکی وطنک محافظه و حدتی ایله مشروطیت سایه سنده ملک مظهر ترقیات ارمسی ایدی . بوتون اتحاد جیلر بو ایکی اساس اطرافده طویلانمشلر ایدی .

حیات تشریعیده دوام ایتدکجه تجربه لری کوستردی که یالکیز اصل اولان بو اتحاد و ترقی اساسلری بر فرقه ک روحنی تمثیل ایده من . بو ایکی اساسدن متفرع سیاسی واجتماعی بر چوق اساسلرکده تعیینی و بو اساسلرده بوتون فرقه افرادینک اتحادی لزمدی . جمعیتک سیاسی واجتماعی بوتون اساسلری واضح بر صورتده تعیین اولنهرق برمسلك علمی و فلسفی حالت افرای اولوندیغینی ایچون کرک قایینه ده و کرک مجلس مبعوثان و ایمان و جمعیت تشکیلانده بولونان اخوانمز تصریح اولونمیان لره اجتهاد لری نه مراجه تده کنیدی لری فی صلاحیتدار عدایدی ورلردی . بر قایینه ایله فرقه آرمنده و کرک فرقه ک جزاری میانه سنده و کرک جمعیه قایینه و فرقه میانه طهر رایدن اختلاف لری منجی بواساسات لازمه ک فقداندن حاصل اولان اجتهاد اختلاف لری اولدیغینی صورتده مدافعه ایدی لری سه شکل بر وضعیتده قالنه جفی ده جای کار دکدر . بوسنه کی قونفره ک بوقولنی اکیال ایده جکنه شبه من یوقدر . چونکه اوج سله ک مشروطیت تجربه لری ک بواساسات لازمه دن بر چوقلری ک تظاہرینه خدمت ایتدی و بوتجربهلر فمالا اشتراک ایدن مجلس مبعوثان و ایمان اعضای کرانک دها چوق مقدارده قونفرده اثبات وجود ایلدی مقصدک حصولی تأمین ایدن اسبابدنر .

حزب جدید مسائلی ایله توأم اولان بعض دیدی قودیلرک - اتحاد و ترقی جمعیتک اسلامیه و اساسات تاریخیه و ملییه اهمیت ویرمدیکی و موجودیتک ماصون تشکیلاتیه بلع ایدلیدی و سیونیستلکک مروجی بولندیغینی یولنده در . بواساعات و افترا آتی جمعیتک هیئت فماله سی صقیله رد ایله کی وظیفه مزدن عدایلرز .

بزجه اتحاد و ترقی جمعیتک غایه سی - که اصول مشروطیتک تطبیق ایله متحد و مترقی بر عثمانلیق تأسیس ایتکدر . - عنصر اسلام مشروطیتک تضمن ایتدیکی حاکمیت ملیه ده اکثریتیه عائد اولان حق حاکمیتی حازر اولدیغینی کی فاتحک و محافظ و طلق و نسبت خلافت طولانیسیله برده حاکمیت تاریخیه مالک اولدیغندن اتحاد و ترقی جمعیتی اسلامیتی عثمانلیک مابه القیامی عدایدر . و موجودیتی

بوقوه معنویه استناد ایتدیرر و یوقاریده ده ض ایتدی کمز و جهله اساسات تاریخیه ک محافظه سی اولک عمده سیاستی در .

کذلک جمعیتک نظامنامه داخلی موجدیحه افراد جمعیتدن هیچ بری دیگر جمعیات سیاسییه داخل اوله ماز . ماصون جمعیتی ده بر جمعیت خفیه اولدیغنه کوره جمعیتک پروگرامنه مغایر بعض سیاسی غایه خیال لری تعقیب ایتدی ملحوظ اولدیغنه بناء اتحاد و ترقی جمعیتی ماصون تشکیلاتی . کنندیسنه رقیب عدایدر و سیونیزم و سائر بوکا نمائل و سلامت مملکت مضر جریانلره ممانعت ایتدی کنندیسنه وظیفه بیلر . صادق بک مشه سنده دأر یازدیغیز تخریرات عمومیه ایله مرخص و مفصل لری مزه ویردی کمز ایضا حاکمه لطفاً تدقیق اولنورسه مرکز عمومیتک بومسائل حقنده کی شواجهاداتی نه یولده نشر واعمیه چاپلندیغینی آکلاشیلر .

بوقیل اتهامات جمعیتک مقصد و مسلكی بیلنلر ایچون بک بسط بر منطق ایله قابل رد و جر حدر .

اللی یوز سله ک تاریخمز تدقیق اولنورسه بو آنه قدر حکومتی ازعاج ایدن غائله لری یاعشیرت لری یا خود جماعت لری عصیان و فسادلرندن طوغمش اولدیغینی کوریلور . عشیرت لری سویه اجتماعی لری ک دوتیبه جمعیت عمومیه دن آیرلش بر طاقم هیئتلردر . جماعتلر مذهبی ، انسانی و قومی خصوصیتلره بری برندن متفرق زمهرلدر ، مملکت مزدن آیریلان کوچوک حکومتلر هب برر جماعتک ضمیر احتراضندن طوغدیغینی کی ففقیاسیه ، بادیه العرب و افریقاده کی بعض مملکت مزده هب عشیرت لری عاصی و غیر قابل تمدن و ضمیتلرندن دولای بابانجیلرک الله کیرمشدر .

ملتلر بذیه اجتماعی سنده کوره تصنیف اولونورسه فارس و ایران کی ملتلرک عشیرت لردن ، هندستانک قاستلردن ، آوستریانک قوملردن ، وسائر اوروپا ملتلرینک صنفلردن مرکب اولدیغینی کی عثمانی مملکتده برنجی درجه ده جماعتلردن ایکنجی درجه ده عشیرتدن مرکب اولدیغینی آکلاشیلر .

عثمانی حکومتک اساسی بر سیاست داخلی تعقیب ایده بیامی عشیرت لری مسلم و غیر مسلم جماعتلرک تشکیلات اجتماعی سنی تدقیق ایتککه ، جمیتلر متینلر ، سندیهلر ، اجتماعی انموذجلر حقده ایدیغینی کی عشیرت لری و جماعتلر ایچون برر قانون مخصوص تنظیم ایله مملکه قابلدر . یمن و عراق غائله لری آنجق عشیرت لری قانونیه حل اولنه جق مسئله لردر .

شمالی آریا وودلفده ، یمنه ، جبل دروزده ، کرکده ، منتفکده ، کردستانه ظهور ایدن عصیانلرک قومیت فکریله هیچ بر علاقہ سی یوقدر . بولنده کی یکانه عالمی عشیرت لری تشکیلات عدلیه ایله امتزاج ایده ملریدر . عشیرت لره عرقاً جاری اولان مسئولیت مشترکه اساسنه مستند بر قانون بایه لری دعوالری خصوصی محکمه لره رؤیت اولونور . و امر اداره لرنده ده قواعد اجتماعی لری اساس طوتولورسه

بوتون عشار مسئله لرینه نهایت ویرلمش اولور . جماعتلرکده سیاسی نفوذ ویرمه مک شرطیه اجتماعی مؤسسسه لرنده سربست بر اقله سی بولورده کی حسیات خصوصیه تمایلاتک مجاری سلیمه دروننده جریانیه باعث اولور .

حکومت اجتماعی انموذجلری تدقیق ایدرک بولورک ایجاباته کورد قانونلر تنظیم و سیاستلر تعقیب ایتمکله برابر مملکتک امور نافعه و زراعییه ، امور صحیه و اخلاقییه عائد اختیار اجنیه ده متخصصلری معرفتیه تدقیق ایتیره رک بولورکده تطمیننه چالشمسی لابدر .

بالکمز جمعیت علمیة اسلامیة نک ایام اخیرده بر بیاننامه سی انتشار ایتدی که سیاست "داخلیه دوتیه علماً مداخله یی متضمندر . علمای کرام وجدنلرک مریدی اولوق اعتباریه امتک معنوی حاکم لری اولدقلرندن فرقه اختلافلرینک ، انتخاب مجادله لرینک فوقده قالم لری ، ورثه انبیا صفتی سیاسی مجادله لرک نتیجه طبعیه سی اولان شخصی هجوم و تضرلردن مصون بولدیلم لری کندیلری ایچون بروجیه دینه در بوندن بشقه صنف علماء همان عمومیه خزینه ملتدن موظف و امورین رسمیه دن معدود اولدقلرندن سیاست دولته اجرایی تأثیرده قالدشم لری دوعری اوله ماز نهایت علمانک مجلس مبعوثان واعیان خارجنده اجرایی سیاستله اوتوز بر مارت وائالی حادثه لرده اولدغنی کی معاذله مشروطیتک و وطنک اضمحلاله بادی نتایج وخیمه تولید ایدده چکی ده نظردن دورطوبتلا ماز ، مرکز عمومیه سی استانبولده اولوب روم ایلیک بعض محللریه خداوندکار ولایتی داخلنده مرکز لری بولونان (مهاجرین اسلامیة) جمعیتک اتحاد و ترقی علیهنه چالشمقده اولدغنه دائر وقوع بولان استخبارات اوزرینه صرف مهاجرینک اسکان و ایوانه معاونت و اطفال مهاجرینک تعلم و تربیه سنه دقت کی خبرلی و اجتماعی پردلر آرقه سننده اضمار ایدیلاق مقاصدک بوجعیه داخل اولان افراد تفهیمیه اوراده کی ناموسکار ذواتک جمعیتزه رابطی و مهاجرین جمعیتدن فک ارتباط لری و بوسورتله جمعیت مذکورنک منفعه دوش و رولسی استانبول هیئت مرکزیه سی طرفدن طلب و تکلیف ایدلمش ایدی . مرکز عمومی ادرنه و کوملجنه و بروسه هیئت مرکزیه لرندن مطالعه صورمش و بولردن اک زیاده تشکیلاتی اولان ادرنه ولایتی مرکزی مهاجرین قلوبلرینک دائماً مقصد مزه خدمت ایدم چکندن مرکز عمومیه نک امین اولسی لزومی بیان حتی بکن سنه کی قواننم لرنده ادرنه قلوبلرندن کوندریان مبعوثک هیئیه مرکز عمومیه لرنده کی اهالی فرقه سی مبعوثلرندن احمد شکر افندینک هیئت اداره دن چیقارلمسنه موفقیت حاصل اولدغنی ده درمیان قلنمشدر . دیگر مرا کزدن دخی آله حق جواب اوزرینه استانبول هیئتک مطالعاتنه قارشو اتحاد اولنان تداییرک تأملی طبعیدر .

بکن دورنک اک مهم حادثه مسعوده سی ده ذات حضرت پادشاه هینک روم ایلییه واقع اولان سیاحت هایولریدر . جمعیت بوسیاحت مبعجله نک حسن صورتله اداره واکالیدن طولانی نه قدر افتخار ایتسه

یری واردر . سیاحت حضرت پادشاهی بوتون تبعه عثمانیه یی دلشاد ایتمکله ، حادثات سیاسی و اقتصادی و اداریه سنه بر مجرای انتظام ویرمکله قالمش . جمعیتک تشکیلات و تشبئاتی نقطه نظرندن ده برسنه یی قازاندره حق ثمرات برکزیده اقتطافه وسیله ویرمشدر . سیاحت هایون وقوع بولردن اوج آی اول مرکز عمومی اعضا لرندن ایکسی کذرگاه هایون ایله حوالیسی مرا کزینی طولاشدیلر واستقبل پادشاهی ایچون کال خواهشله تشبث اولنان حاضر لقلری کوردیلر . جمعیت حقنده کی عبت و صمیمیت لری هر وسيله دن بالاستفاده اظهار بو یوران ذات حضرت پادشاهی شرفه اک صمیمی نظامات ایله اقائه موجودیتیه شتابان اولان هیئت مرکزیه و قلوب هیئت اداره لریه افرادی جدأ تقدیره سزا موقتیلر کوسرتدیلر . شهر و قصبه لر شویله طورسون همان هر کویدن اتحاد و ترقی باراقری چیقارلمش . مکتبلر صورت مخصوصه اعمال ایدیان البسه و تربیات ایله مزین طلبه سیله صفتیه احترام اولمشدی . قلوبلرک امر معارفه کی نظاماتی بالخاصه محظوظیت پادشاهی یی موجب اولمشدر . مراسم اشتراک ایتمک و مرکز عمومی نامنه اجرا بو یوریه حق رسم قبوله ممالک عثمانیه نک هر نقطه سنندن اعضا ، جمعیت بولندیرمق فکریه سلانیکه کتیریان آناتولی و روم ایل و عربستان مرا کزی مرخصلری نائل عن ثول والتفات اولدقلری کی سیاحت بو یوریلان ولایاتک عموم قلوبلرندن اعزام اولونان هیأت مرخصه دخی صورت مخصوصه حضوره قبول بو یورلمشدر .

پادشاهمزلک بو مراسم قبول اثناسنده جمعیتن نامنه صرف بو یوردقلری جل تقدیریه جدأ معنیدار و حکیمانه در . خلافت پناه افدیمز بو تقدیرات و تلطیفات لری ماده دخی اظهار ایدرک جمعیه بش بیک لیرا کی مهم بر مبلغ اهدا بیورمشادر . مکتبلریمزلک انتظام و مکملیتی ایله بو خضر صده مصروف اولان خدماتن اودرجه ده مظهر تقدیر اولمشدر که در سعادت عودتلرندن درت آی صوکره ملاقات بو یوردقلری بر انکلیز محررینه آرنان و دلق حقنده کی استیضاحه جواباً : « آرنان دلق غایت صاف و نجیب تبعه مدن مرکبدر . جمله سی جور و صادق آدملردر . بالکمز نقصانلری معارفه لرکدر . بوکاده بر طرفدن حکومت دیگر طرفدن اتحاد و ترقی چالیشور . بو مهماتی ده کوزلرمله کوردم ، صورتنده ایراد کلام بو یوردقلری نائل شرف ملاقات اولان کاتب عمومیه مزه بالذات افاده بو یورمشلردر .

عثمانیلوق و وحدت عثمانیه نامنه یک بیوک قیمتی حائر اولان شهید مبارکده کی جمعه نمازی حقنده سرد مطالعه یی زانده ایدر و بالکمز قوصوه هیئت مرکزیه سنک تشبیه بوندن صکره حزیران آلیرینک ایلیک جمعه سنک بر یوم مخصوص شکلنده تعزیز اولنسی و عموم و طنداشلرک اشتراکی تأمین ایچون اوراده اوج کونلک بر بنایر قورولسی اساسنک قوصوه ولایتجه تقرر ایتدیکنی عرض ایدم که جمعیت سیاحت پادشاهینک سلامت اجرا یه سنده فوق العاده علاقه دار بولندیغندن خدا نکرده هراحتاله

قارشو نفس ها یونی محافظه ایچون محیط پادشاهیدن بر آن ایرالمق اوزره فداکار افراددن هیئتار تشکیل ایتمش بولونقلری شهر وقصه مأمورین انضباطیه سنه معاونت و مظاهره ایتمکی ده کنیدینه وظیفه بیامشدر . اخوانک بو خصوصده کوستردیکی ماز فداکاری و غیرت دخی جدا تقریریه سزادر .

کچن سنه قونفره سنک تعیین ایتدیکی اساساردن بری ده اتحاد عناصره کاکان غیرت کیفیتدر . قونفره بزده [عناصر مختلفه نك لسان و قومیتیه حرمت ، عناصرلری بر برینه باغ لایان تاریخی روابطی تقویه ، هیچ بر عنصری عثمانلیک عاقله اجتماعیه سنه بیگانه کورمه مک و نظاهرات موقته آله تمامق . اتحاد غایه سنی اونو تمامق] شکسته بر خط حرکت چیزمش ایدی .

مرکز عمومی بر پروگرام دائره سنده حرکت چالیشدی . فقط بو خط حرکتک ال مهم نقطه لری حقه ده درجه مطلوبه ده فلیات کورلیدی و کوستریه مدی .

بز بو خصوصده دخی بر قاج سوز سویلمک ایسترز . مشروطیتک اعلانندن و کره طبیعی اوله رق میدان چیقان (اتحاد عناصر) مسئله سی مختلف ذهنلرده باشقه باشقه تقلیل حصوله لیدمش و بو اختلاف نظردن طولانی مشروطیتدن صوکره عثمانلیکک آله جنی شکل حقه ده یکدیگریه طبان طبانه ضد قهرملر اورتیه آیلیمشدی . بعضلری (تلاحق) فکری ایلری سورمه رک عثمانلیکی ، سیاسی حقوقه مالک قوتلرک و جماعتلرک التحاقندن تشکیل ایتمش (فده راتیف) بدولت عدا ایتدیلر .

بعضلری ده (ذوبان) غایه سنی تعقیبه قائل اوله رق عثمانلیکک یالکز فردلردن مرکب اولدیفنی و عثمانلیکک وحدتی استکمال ایچون بوفردلرک داخل بولونقلری جماعت و هیئتارک عثمانلیک کتله سنده اریمهی لازم کلدیکنی قبول ایتدیلر .

عثمانلی اتحاد و ترقی جمعیتی برنجیسی حصافت سیاسی ایکنجیسی اجتماعیه منافی کوردیکی ایچون هرایکسی ده ردایتدی . بزجه اتحاد و ترقی به نظراً ایکی درلو عثمانلیک وارد . برنجیسی سیاسی عثمانلیکدکه حقوق سیاسی دن محروم و فقط اجتماعی مؤسسه لره مالک جماعتلردن مرکبدر .

فکریمز جه عثمانلی و اتحاد و ترقی جمعیتی بو نظریه یی قبول ایتمکه هم عثمانلیکک محتاج اولدینی وحدت و تمامیتی تأیید ، هم ده عنصرلرک و جماعتلرک موجودیت اجتماعیه لرینی ، لسان ، مذهب ، ادبیات کبی خصوصی مؤسسه لرله تعرضدن مصون برحاله افراغ ایتمش اولور . ایشه حصافت سیاسی ایه عدالت اجتماعیه نك تألیفدن حصوله کان و کچن سنه کی قونفره جهده اساساً قبول ایدیلر بو فکر یا کلاش تفسیرلره اوغرا دینی ایچون بعضلری طرفندن قبول اولندی . فقط حقیق ک قوه اقماعیه سی ذهنلرک ازل و ابدی حاکمی اولدینی ایچون بوفکرک ایرکچ بر قناعت عمومی حاله کله چکی شه سزدر . بو نظریه

محترم قونفره لر نجه دخی تصویبه ، ظهر اولو سه جمعیتک نظامنامه ویا سیاسی پروگرامنه بوا اساسی ناطق بعض ماده لر علاوه و اعلانی عناصرک اطمینانی و اتحادک تسهیل و تسریعی موجب اولور .

مع مایه بز اتحاد عناصر حقه ده کی نظریاتک غیر مسلم و طنداشلر عندنده جای قبول بولمسنه انتظار ایتیه رک انقلاب سیاسی ایه برابر تعمیرات اجتماعیه یی ده درعه ده ایدن فداکار جمعیتلرک غیر مسلم و طنداشلرک بزه تقریبی تأمین ایده جک صورتده چالشمهی لازم کله چکنی یک اسکی بر زمانه باشلا یه رق زمان زمان قلوبلریمزه یازدق و هر قلوب داخلنده بشر کشیدن مرکب برر [اخوت عثمانیه] انجمنی تشکیل ایدلمی توصیه ایلدک . بو انجمنلر جنس و مذهب تفریق ایتمکسزین معاونت و شفقتیه محتاج بولنن بوتون افراد مظلومه ایه تماسده بولونه جق ، برطیب مشفق کی درد لرینی صوره جق ، بر حکیم خبرکار کی حال لرینی آکلا یه جق ، احقاقی عهده حکومتیه راجع اولان حقسز لقلری جمعیتلرک تعقیب ایتدیکی اصول و قواعد دائره سنده مرجعه عرض ایده جک ، تطبیقی دوش جمعیه یوکلن سفالتلری تعاون اخوان ایه ازالیه چالیشه جقدر ، اعضاسندن برقا چنک غیر مسلم اخوانمزدن بولمسی ده باشقه جه توصیه ایدیلر بوانجمنلر بعض یرلرده تشکیل و خدمتلرندن ثمرات حسنه اقتطاف ایدلیدی .

والحاصل جمعیتیه و حکومتیه عدالت اجتماعیه نك تطبیقه مصروف اولان مساعی اثری اولمق اوزره قومیتلرک ما کدونی سده عساکر و مأمورین و اهالی اسلامیه یی ازعاجات و تهدیدات جنایه ایه اغضاب ایده رک بر قتل عام زمینی حاضر لاق و بال نتیجه اوروبا مداخله سنی دعوتلا ما کدونیاتک الحاقه ، ویا مختار بینه چالیشمق مقصدیه تجدد ایدن حرکتیه قارشو غیر مسلم و طنداشلریمز سابقه نسبتله نظر دقتی جلب ایده جک درجه ده بیگانه قالدیلر . دور سابقدن بری بو حوالیده شهرت فوق العاده قازانان واردار کونشی آوستول ایه یک مهم رؤسادن بر قاجی طولاشدقلری خرسدیان کویارنده روی قبول کورمه مدکلرندن کال موفقیتله استیصال ایدلدیلر ، و بر ایکی یرده بوبیا و مواد انقلابیه دردست اولوندی .

کچن سنه کی قونفره نك بزه تحمیل ایتدیکی وظیفه لردن بریده سالنیک رازمیردکی اتحاد و ترقی مکتبلرینک دارالمعلمینه قایله بوناره ضمیمه مناسبت بر محله بشقه جه بردارالمعلمین کشادی کیفیت ایدی . بونک ایچون بودجده ارئه ایدیلر قارشولک نقدیه تحویلنده کی عسرت ایکنجی درجه ده بر اقبیله رق عملی بر صورتده بوقرارک تطبیقی وسائل دوشونلیدی . سالنیک رازمیر مکتبلرینک کشادلرینی متعاقب ابتدائی و رشدی صنفلری آجیله رق اوچ سنه دنبری تدریس سده دوام ایدیه کلش اولمق اعتباریه بونلرک یالکز دارالمعلمین اولمق اوزره مابعدی وار